

III Premios Internacionais de *Podcast*

XOSÉ MOSQUERA PÉREZ

“O vello dos contos”

O IES Rosalía de Castro e Arraianos Producións convocan os III Premios de *Podcasts en galego Xosé Mosquera Pérez “O vello dos contos”*. Nesta iniciativa colaboran outras entidades que velan pola defensa e a promoción da lingua e da cultura galegas coma os colectivos Ponte nas Ondas, Oral de Galicia, o Museo do Pobo Galego, a Fundación Rosalía de Castro,, a EASD Mestre Mateo, a Real Academia Galega, a Fundación Antonio Fraguas, o Parlamento de Galicia e a Xunta de Galicia –a través da Secretaría Xeral de Política Lingüística–.

Os obxectivos destes premios son:

- 1) Promover a lingua e a cultura galega e portuguesa nos centros educativos.
- 2) Fomentar unha imaxe positiva e actual da lingua mediante a súa vinculación coas novas tecnoloxías da información e da comunicación.
- 3) Favorecer o uso da lingua entre a mocidade en ámbitos asociados á oralidade.
- 4) Incentivar a produción e difusión de material audiovisual en galego e portugués.
- 5) Fortalecer os vínculos coa lusofonía e mostrarlle á mocidade a importancia destes.

Bases do concurso

1. Poderá concorrer o alumnado de 10 a 18 anos dos centros de ensino de educación primaria (de 5º e 6.º curso) e de secundaria de Galicia, así como doutros centros de ensino non universitario e dos centros que imparten ensinanzas de réxime xeral fóra de Galicia. Tamén poderá participar o alumnado de 10 a 18 anos de centros educativos públicos do Norte de Portugal.

2. Nesta edición, aceptaranse *podcasts* orixinais e inéditos relacionados coa vida e a obra de Xela Arias, persoeiro a quen se lle adica o Día das Letras Galegas de 2021, e outros aspectos relacionados co patrimonio cultural material e inmaterial de Galicia e Norte Portugal. Cada *podcast* terá unha **duración máxima de 3 minutos**.
3. Admitiranse obras orixinais e inéditas, individuais ou colectivas, en lingua galega (segundo a normativa ortográfica vixente publicada pola Real Academia Galega) ou portuguesa (segundo o novo acordo ortográfico).
4. A música e os efectos sonoros que se empreguen deberán ser orixinais, estar libres de dereitos ou ter licenza de uso para este fin educativo. As obras difundiranse baixo a licenza «Creative Commons», que combine as propiedades «recoñecemento», «non comercial» e «compartir igual».
5. O centro deberá contar coa autorización da nai, o pai ou representante legal do alumnado menor de idade para usar a súa imaxe nas accións de difusión do certame en *webs*, medios de comunicación, redes sociais etc., sempre con fins didácticos e sen ánimo de lucro.
6. **A solicitude de participación formalizaraa o director ou directora do centro educativo antes do día 4 de marzo de 2021, día do cabonado de Xela Arias**, mediante un correo electrónico enviado ao seguinte enderezo: certameradiofonico@iesrosaliadecastro.org (no asunto indicárase “Premio Xosé Mosquera Pérez” e o nome do centro).
7. Os traballos, unha vez rematados, deben ser enviados por correo electrónico ao seguinte enderezo: certameradiofonico@iesrosaliadecastro.org Realízase un envío diferente para cada traballo. Deben incluír obrigatoriamente un arquivo adxunto onde figure o título do traballo e o nome do centro educativo, así coma unha relación do alumnado participante (nome e apelidos, idade, curso, enderezo postal, teléfono e correo electrónico) do profesorado responsable e colaborador, e todos os datos do centro educativo (nome, código, enderezo, teléfono e enderezo electrónico).
8. **O prazo de presentación dos traballos finalizará o 17 de maio de 2021.**

9. Establécense os seguintes premios:

a. Premio ao mellor traballo do alumnado de 5º e 6.º curso de primaria de Galicia e dos que imparten ensinanzas de réxime xeral fóra da Comunidade Autónoma: **500 euros, lotes de libros para a biblioteca, unha escultura orixinal conmemorativa para a aula e outra para o centro e diploma acreditativo.**

b. Premio ao mellor traballo dos centros de educación secundaria de Galicia, doutros centros de ensino non universitario e dos que imparten ensinanzas de réxime xeral cursadas fóra da Comunidade Autónoma: **500 euros, lotes de libros para a biblioteca e unha escultura orixinal conmemorativa para a aula e outra para o centro e diploma acreditativo.**

Os traballos finalistas tamén recibirán unha escultura orixinal inspirada na figura do Vello dos Contos, realizada por alumnado da EASD Mestre Mateo de Santiago, así coma cadanseu lote de libros e diploma acreditativo. **Os traballos gañadores serán emitidos e divulgados en Radio Galicia e poderán quedar accesibles a través do web da organización e dos colectivos colaboradores e do portal de Escolas nas ondas www.escolasnasondas.com**

O xurado estará composto por 4 ou 5 membros designados polas entidades organizadoras e colaboradoras. Nos criterios de selección valorarase a **calidade lingüística, a expresividade e interpretación; a orixinalidade, creatividade e innovación; e a calidade técnica.** A decisión do xurado será inapelable e darase a coñecer antes do remate do curso.

Se as condicións o permiten, as obras gañadoras serán emitidas no acto público de entrega de premios dos III Premios Internacionais de *Podcast* Xosé Mosquera Pérez, que se realizará no IES Rosalía de Castro de Santiago, antes do remate do curso escolar 20/21.

A participación neste certame implica a aceptación total das súas bases. O xurado reserva para si o dereito a interpretarlas, cando sexa necesario para o seu bo desenvolvemento. A presentación a este certame implicará, no caso dos traballos premiados, a colaboración nas accións de difusión que se organicen.